

Bosna i Hercegovina  
Federacija Bosne i Hercegovine  
KANTON SARAJEVO  
MINISTARSTVO UNUTRAŠNJIH POSLOVA  
UPRAVA POLICIJE  
SARAJEVO

Broj: 02- 107  
Dana: 17.04.2018. godine

SKUPŠTINA KANTONA SARAJEVO  
NEZAVISNI ODBOR  
N/r predsjednika

PREDMET: Izveštaji o izvršenom selektivnom vanrednom nadzoru u Četvrtoj policijskoj upravi – Policijskoj stanici Dobrinja i Prvoj policijskoj upravi – Policijskoj stanici Stari grad i informacije, **dostavljaju se.-**

Poštovani,

U prilogu akta dostavljam Vam na upoznavanje izvještaje o izvršenom vanrednom selektivnom nadzoru u Četvrtoj policijskoj upravi – Policijskoj stanici Dobrinja i Prvoj policijskoj upravi – Policijskoj stanici Stari grad, kao i detaljnije informacije o događajima interesantnim s aspekta sigurnosti.

PRILOZI: Kao u tekstu.-

**POLICIJSKI KOMESAR**  
**Generalni inspektor policije**  
Mevludin Halilović

OTPREMLJENO  
18-04-2018

Jasmin Sipović i Sadik Ećo, policijski službenici  
Odjeljenje za unutrašnji nadzor, koordinaciju i usmjeravanje

Broj: 02/2-2- /18.  
Datum: 13.04. 2018. godine

**ODJELJENJE ZA UNUTRAŠNJI NADZOR  
KOORDINACIJU I USMJERAVANJE-načelniku;**

**PREDMET: Selektivni vanredni unutrašnji nadzor u Četvrtoj policijskoj upravi-  
Policijska stanica Dobrinja, Izvještaj, d o s t a v l j a s e:**

**VEZA: Akt Jedinice za profesionalne standarde broj 02/7-1-N-72 /18 od  
06.04.2018. godine i službena zabilješka policijskog službenika Muslić  
Adnana.**

Dana 10.04.2018. godine, postupili smo po aktu iz predmeta, broj i datum veze, u pogledu naovda u službenoj zabilješci policijskog službenika Muslić Adnana, te u vremenskom periodu od 13,00 do 16,00 sati izvršili selektivni vanredni unutrašnji nadzor u Četvrtoj policijskoj upravi - Policijska stanica Dobrinja, a u cilju utvrđivanja činjeničnog stanja u vezi anonimnog dopisa policijskih službenika na rad Komandira PS Dobrinja Kurspahić Mirsada i službene zabilješke policijskog službenika Muslić Adnana, kojom prilikom smo ustanovili slijedeće:

U anonimnom dopisu se navodi da od početka rada PS Dobrinja, 01.09.2017. godine nije održan radni sastanak, gdje smo uvidom u evidenciju PS Dobrinja o održanim radnim sastancima i evidencijom o prisustvu policijskih službenika, ustanovili da su se na nivou Četvrte policijske uprave održali radni sastanci i to dana 12.10.2017 godine, 11.01.2018 godine i 27.03.2018 godine, uz napomenu da je PS Dobrinja preselila u objekat u ulici Dobrinjske bolnice dana 02.03.2018. godine i da su se do tada, za potrebe PS Dobrinja, koristile prostorije sjedišta Četvrte policijske uprave u ulici Prvomajska broj 22.

U pogledu navoda iz dopisa da je dodijeljena stimulacija na nepravedan i netransparentan način, ustanovljeno je da je dana 07.11.2017. godine Komandir PS Dobrinja uputio prijedlog za stimulaciju za ukupno 16 policijskih službenika sa obrazloženjem da su policijski službenici koji se predlažu za jednokratni dodatak na plaću svojim efikasnim i stručnim radom u okviru nadležnosti dali poseban doprinos efikasnijem funkcionisanju Ministarstva, i poboljšanju stanja sigurnosti na području općine Novi grad, iskazujući posebno stručno znanje i visok stepen profesionalizma prilikom obavljanja povjerenih poslova i zadataka u oblasti kriminaliteta, javnog reda i mira i bezbjednosti saobraćaja. Uvidom u fco rješenja policijskog komesara, utvrđeno je da je navedeni prijedlog prihvaćen za svih 16 policijskih službenika i istima je određen dodatak na plaću u skladu sa članom 88. Zakona o policijskim službenicima Kantona Sarajevo.

U obavljenom razgovoru sa komandirima PS Dobrinja, isti je negirao mogućnost selektivnog predlaganja dodatka na plaću u smislu ostvarivanja elemenata diskriminacije, obrazloživši to na način da je u predlaganju rukovođen činjenicama koje se neosporno mogu utvrditi u pogledu rezultata rada, primjera radi naveo je da ako su dva policijska službenika učestvovala u jednom zadatku i isti su

potpisnici dokumenta, a obavljani zadatak zavređuje pažnju, ne ističe se rezultat samo jednog policajca nego svih koji su učestvovali u zadatku i potpisnici su dokumenta, zabilješke, izvještaja i sl.

U anonimnom dopisu se takođe navodi da kroz dnevni raspored rada ima privilegovanih policijskih službenika, gdje smo uvidom u rasporede službe za dane 04/05.01.2018, 30/31.01.2018, 10/11.02.2018, 27/28.02.2018, 14/15.03.2018, i 24/25.03.2018 godine, konstatovali da su policijski službenici ravnomjerno opterećeni i kroz raspored službe i po broju ostvarenih radnih sati. Uvidom u evidenciju prisustva na službi (redna lista) ustanovljeno je da se uredno evidentiraju ostvareni radni sati. U rednoj listi se evidentiraju svi ostvareni radni sati policijskih službenika, također i višak ostvarenih sati na mjesečnom nivou, obzirom na period provjere komandir PS je obrazložio da se refundira višak ostvarenih sati kroz slobodne dane u narednom mjesecu.

Radeći na utvrđivanju činjenica iz službene zabilješke koja je sačinjena od strane policijskog službenika PS Dobrinja Muslić Adnana koji navodi neprofesionalan odnos komandira PS Dobrinja Kurspahić Mirsada konstatovano je slijedeće:

U službenoj zabilješci policijski službenik Muslić Adnana se žali na neprofesionalan i nekorektan postupak komandira PS Dobrinja, dana 03.04.2018 godine, dok je obavljao poslove i zadatke na vanjskom osiguranju PS Dobrinja, kada mu je po njegovoj izjavi komandir Kurspahić Mirsad "povišenim histeričnim tonom" izdao naredbu da radi po mirujućem saobraćaju te da pritom izda prekršajne naloge u ulici Dobrinjske bolnice, navodeći pritom da se taj lokalitet nalazi od 100 do 200 metara od PS Dobrinja.

Na navedeno komandir PS Dobrinja Kurspahić Mirsad da je izjavio da je policijskom službeniku Muslić Adnanu dao upute da obavlja propisane zadatke u random nalogu i planu osiguranja objekta PS, što uključuje i preventivni rad po mirujućem saobraćaju u blizini objekta PS Dobrinja i da je to stalan zadatak policijskih službenika, a sve iz sigurnosnih razloga po sam objekat.

Navode komandira PS Dobrinja su potvrdili policijski službenici koji su bili prisutni kada je izdat zadatak policijskom službeniku Muslić Adnanu, a radi se o policijskom službeniku Musa Mladenu i policijskom službeniku Gačanin Abazu, koji trenutno obavlja poslove rukovodioca smjene.

Uvidom u Plan osiguranja objekata Četvrte policijske uprave broj 02/11-04-499/18 od 16.03.2018 godine, koji se odnosi i na objekat PS Dobrinja, konkretizovani su zadaci i to:

Zabraniti ulazak, kretanje i parkiranje svih motornih vozila u neposrednoj blizini objekta, izuzev službenih vozila, Osigurati stalnu raspoloživost parking mjesta za invalide, Osigurati prohodnost puta kojim se kreću vozila u i van kruga objekta, odnosno spriječiti svaku moguću blokadu objekta PS Dobrinja, U propisanim uslovima izdavati upozorenja i prekršajne naloge protiv lica koja su osnovano sumnjiva da su izvršila prekršaj u zoni osiguranja.

Uvidom u raspored službe za period Septembar 2017 godine - Mart 2018 godine, konstatovali smo da je policijski službenik Muslić Adnan obavljao slijedeće poslove i zadatke:

Septembar 2017 godine, 7 (sedam) radnih dana obavljao poslove osiguranja objekta PS Dobrinja, 10 (deset) radnih dana na poslovima u auto-patroli;

Oktober 2017 godine, 1 (jedan) radni dan obavljao poslove osiguranja objekta PS Dobrinja, 12 (dvanaest) radnih dana obavljao poslove na pozornom rejonu i 2 (dva) radna dana obavljao poslove u auto-patrolu;

Novembar 2017 godine, 5 (pet) radnih dana obavljao poslove i zadatke osiguranja objekta PS Dobrinja, 7 (sedam) radnih dana obavljao poslove na pozornom rejonu i 3 (tri) radna dana obavljao poslove i zadatke u auto-patrolu;

Decembar 2017 godine, 2 (dva) radna dana obavljao poslove osiguranja objekta PS Dobrinja, 10 (deset) radnih dana obavljao poslove na pozornom rejonu i 4 (četiri) radna dana obavljao poslove u auto-patrolu;

Januar 2018 godine, 6 (šest) radnih dana obavljao poslove osiguranja objekta PS Dobrinja, 8 (osam) radnih dana obavljao poslove u auto-patrolu i bio na bolovanju 4 dana;

Februar 2018 godine, 3 (tri) radna dana obavljao poslove na pozornom rejonu, 7 (sedam) radnih dana obavljao poslove u auto-patrolu i bio na godišnjem odmoru 6 (šest) dana;

Mart 2018 godine, 8 (osam) radnih dana obavljao poslove osiguranja objekta PS Dobrinja, 3 (tri) radna dana obavljao poslove u auto-patrolu, 5 (pet) radnih dana obavljao poslove na pozornom rejonu i 5 (pet) dana bio na permanentnoj obuci;

Iz navedenog se vidi da je policijski službenik Muslić Adnan u radnom procesu za pomenuti vremenski period učestvovao u svim segmentima policijskog rada (pozorna služba, patrolna služba sa m/v, osiguranje objekta).

Tokom vršenja unutrašnjeg nadzora povodom anonimnog dopisa i službene zabilješke policijskog službenika Muslić Adnana, bez prisustva komandira PS, obavili smo razgovor sa policijskim službenicima PS Dobrinja Žiga Ragib, zamjenik komandira PS, Hasanović Mersudin, rukovodilac sektora, Poprženović Admir, rukovodilac sektora, Pantić Marko, policajac i Hrbat Jasmin, stariji policajac, koji su nam tom prilikom izjavili da nema nikakvih problema u odvijanju radnog procesa te da se radi o radnoj sredini gdje se poštuju zakonske regulative po pitanju radno-pravnog statusa svih policijskih službenika PS Dobrinja.

Po pitanju stanja sigurnosti uzimajući parametre iz izvještaja za mjesec Mart 2018 godine, na području PS Dobrinja prijavljeno je izvršenje 16 krivičnih djela od čega je 10 rasvijetljeno, evidentirano je 08 slučajeva narušavanja javnog reda i mira i 45 saobraćajnih nezgoda sa materijalnom štetom.

#### PODNOŠIOCI IZVJEŠTAJA

Inspektor  
**Jasmin Sipović**

  
Inspektor  
**Sadik Ećo**